

مرند اۆيكو

Mərənd öykü



آنا

يازار: حميد آرغيش

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

آنا
حمید آرغیش

او تاغین بیر بو جاغیندا دیزلریمی قو جاقلایب، اوتورموشدوم، اؤزومله. سوکوت هریانی بوروموشدو. گۆزلریم گاهدان اختیارسیز اطرافا دولانیردی... سانکی بیر زاد آختاریردی. هردن سرین بیر یئل اسیر، پنجره نین پرده سین ترپه دیردی... گاهدان دا گۆزلریم یو مولوردو... بیردن، آنامین "دور گل بالام!" سسین دویدوقدا یئرمدن داشلانیدیم. سسی حیه طدن گلیردی. اللریمی دووارا سورتیه - سورتیه آیاغا قالخدیم. حیه طه چیخاندا، آنامی پنجره دن بیر آز آرالی داپانمیش، منی گۆزلهدیکده بو لدوم. آنام منی گۆرونجه:

- گل بالام آیاقلا! - دئدی - لاپ آیاقدان دوشدوم. خمیری من قاتیب قورتاردیم. ایندی سن آیاقلا خمیر گل سین..

- بیر بنله خمیری؟! - تعجبله سوروشدوم.

آنام یئره سالینمیش اؤرتویون اوستونده کی خمیره باخیب:

- دؤرد چاناقدی... - دئدی.

- نییه بو قدهر؟! مگر ایستیرسن کند اهلینه چؤره ک یاپاسان؟ - منیم اعتراضیما قارشى گولومسه دی:

- کند اهلینه چؤره ک یایماق ایسته میرم. ایندی باهالیق زاماندير، آز قالیر او قدیم قیتلیغی دا کئچسین... بو خمیری اریشته اوچون توتوموشام.

- اریشته؟! -

- هن.. کندلی نین یئمه یی قیشدا یا یارما اولار یا دا اریشته، بیزیم او قدهر گلیریمیز یوخدور کی دویو - مویو آلیب قیشا ساخلایاق...

- اریشته یه ده چوخ دئیل؟! بو خمیردن خئیلک چؤره ک چیخار.

- تنبل اولما.. تنز اول گل آیاقلا...

پیلله لری یئنیب، حیه طه گئتدیم. آنام خمیرین اوستونه باشقا بیر اؤرتوک چکدی. منه تاپیشیردی:

- تنز اول.. بیر آزدان پاییز خالا گلیب کسه جک.

پاییز خالانین آدی گلنده اختیارسیز گولومسه‌دیم. آنام:
- نییه گولورسن؟! مگر پاییز خالانین نه‌ییدی؟ - دئییه سوردو.
- هئچ زادی... بیر سؤز یادیم دوشدو..
- نمنه؟.
- بیر گون کوچه‌ده "کوش" اوینوردوق.. اوندا بیلیمیرم کیم اؤلموشدو. آروادلار یاسا گئدیردیلر.
پاییز خالا دا هله گلمه‌میشدی. ترلان خانیم لا گولگز خانیم پاییز خالانین گلمه‌یینی
گؤزلوردولر. بیردن خزان خانیم‌قاپی‌لاریندان کوچه‌یه چیخدی. او دا یاسا گئدیردی. ترلان
خانیم اوجادان سسله‌دی: "آی پاییز! تئز اول گل! خزان گلدی..."
ترلان خانیمین سؤزوندن اوشاقلار گلومه‌یه باشلادیلار.. ایندی ایسه پاییز خانیمین آدی
گلنده ائله او گون یادیم دوشدو..
- یازیق "خزان" اؤلدو گئتدی..
دریندن بیر آه چکیب؛
- یاخشى آداملار ائله تئز اؤلرلر... - دئدی.
آنم بیر آز سوسدو.. سونرا بیردن دئدی:
- او بو دونیادا کیمسه‌سیز ایدی. دئییرلر تکجه بیر اوغلو وار ایدی کی، او دا دئموکرات
ایدی. اونودا تبریزده توتوب دارا چکمیشدیلر.. یازیق اؤلنده تک ایدی.. کیمسه باشی
اوسته یوخ ایدی. اؤلندن بیر - ایکی گون سونرا، اؤلومون بیلدیک..
آنامین گؤزلی دولموش، سسی کاللاشمیشدی. آنام بو سؤزلری دئییب اوتاغا گئتدی.
سانکی ایسته‌میردی گؤز یاشلارینی گؤره‌م.
من دینمز - ائله‌مز لئپیک‌لریمی چیخاردیب، آياقلاماغا باشلادیم... خئلیک آياقلادیم. گاهدان
خمیری چئویریب، یئنی‌دن آياقلايیردیم... آنام دا هر دن پنجره‌دن بویلائیپ منه باخیردی...
کوچه‌ده اوینایان اوشاقلارین سس - کوی‌لری حیه‌طه گلیردی... اوشاقلار "چیلیک - دسته"
اوینايیردیلر..
بیردن حیه‌طین تاхта قاپی‌سی جیریلداییب، آچیلدی. پاییز خالا چادیراسینی ییغیشدیرا -
ییغیشدیرا ایچری گیردی.. پاییز خالانین 60 یاشی اولاردی. باشی‌نین توکلری تام
آغارمیشدی. آلین و اوزونه زامان قیریشلاری قونموشدو.
پاییز خالا سالام وئریب، کئفیمی سوروشدو:

- نئجەسن بالا؟

- ساغ اول پاييز خالا! ياخشىيام.

خستەليكدن اينلەيە - اينلەيە اي رەلى گلدی. خميرين يانيندا چۇمبەلدی. آريق ألين خميره باسدى.

- بير آز دا آياقلاسان ياخشى اولار - دئدى.

آنام پنجرەدن ائشيبە بويلاندى. پاييز خالانى اوتاغا چاغيردى:

- ايچرى گل پاييز خالا! سەنە زنجفيل چايى دملەميشم.

پاييز خالا زنجفيل چايين چوخ سئوهردى. چايى زنجفيل سيز ايچمزدى.. او دئبيردى:

"زنجفيل آدمى ساغ ساخلار، ساريمساق كيمى آداما چوخ خئيرى وار.."

پاييز خالا پيللەلرى ياواش - ياواش چيخيب ايچرى گئئدى. مەن يئنە خميرى آياقلاماغا

باشلادىم. خمير آياقلاريم آلتيندا ازىليب، اطرافا يايلىردى..

بيردن خميردن قيچىما بير زاد باتدى. اورەيىم گۇينەدى... او جادان اينلەدەم...

اينلمەك لە اۇزومە گلدىم... چيەطين او رتاسيندايدىم. چيەطە هاچان گلدييمى

خاطيرلاميردىم. دۇورەمە باخدىم. كيمسە يوخ ايدى. سيزيلدايان يالين آياغيمى قووزايىب،

آلتينا باخدىم. كيچىك بير داش دابانما باتميشدى. هر يئر ساكيت ايدى. اوشاقلارين

اويناماق سسلرى كسيلميشدى. سانكى زامان يئتىم قالميشدى. پنجرەيە طرف دۇندوم.

آچىق ايدى. سوكونت پنجرەدن ائشيبە سوزوردو. بير شئى ايتيرميشلر كيمى آغرينى

او نودوب او طرفە قاچدىم... بويلانيب ايچرى باخدىم. آنام يوخ ايدى. پاييز خالا دا يوخ ايدى...

زنجفيل اونلارى ديرى ساخلايانماميشدى.. گۇزلريم اختيارسيز اوتاغين دۇورەسینە

دولاندى. آخیردا اوتاغين تاقجاسيندا دا ياندى. آنامين عكيزى تاقچادا ايدى. دوداقلارى

ترينمەدن او محنت چكميش گۇزلرى لە سانكى مەنە گولوردو.. گۇز ياشى آنا او خشاماسى

ايستەين ياناقلاريمآ آخدى.. پنجرەنين هئره سینه سۇيکەنيب، اختيارسيز اوخودوم:

"گۇزومون نورو، جانيم آنا!

بۇيوتدون سەن مەنى يانا - يانا

اودلوسان گون كيمى

بير قاينار حيات كيمى

بورجلويام مەن سەنە

سنه بير اولاد كيمى..."

سون

ياى 76